

Herinneringn an nen sloopsteen



Op t eerste binnblad van „n Sloopsteen” steet ne tekening van nen mooien sloopsteen met doaronder nen arign oetleg. Mer as ik den sloopsteen zee, mer ik aait deankn an toen ik nog n keend was en tow in hoes zon ding hadn en broekn.

Bi-j oons stun der een neugns de schop, luk kleiner as het fotomodel. Hi-j was ok nich zoo kaantrecht; hi-j har ne schuune sloopkaant. Hi-j stun luk scheef, k deank dat de peut nich eavn laank wadn. Den bak woar n steen duur-löp was lek. Dat was geetiezer en dat zol wal n moal kotvroorn weern de weenterdag toen der water in was blievn stoan.

As mien vaar dan wat sloopn wol deer e der water in en dan zetn e n emmer der oonder, dan kon e t opvangn en nog wier bi-jgeetn. Mer ie konn t grei der goed schaarpe op kriegn. En hi-j wör nog wal es broekt. Te vaak, want ik mos dan dreain. No, ne schup sloopn dat gung nog wa. En as moo de schoffel schaarpe wol hebn vuur t erpel of beetn schoffeln dan was t nog wal n moal kloar. Mer n biel sloopn dat doern vul langer en doarbi-j, dan drokn de vaa de biel zo strak op n steen,

dan was t zoer dreain. Dan vroeg ik wal n moal: „Doert t nog lang?” t Broodmes sloopn mos ok mangs gebeurn, want dan was t te dik wordn. Gewoon gebeurn dat op n dreampel van de duur nor de grote kökn. n Betje wit zaand der open dan hen en wier sloopn. A’j dat fleenk hard deudn dan vleugn de voonkn der of. Ik heb der vaak bi-j stoan.

Het slimste kwam zoo tiegn de heuitied. Dan mos der grös wordn meaid met de grösmesien. Doar mosn n heel stel mesn vuur wodn sloopn. n Stuk of veer har mien vaa der wal en an elk mes zatn zeuvnteen meskes dee an twee kaantn mosn wodn sloopn. Dat was n heel weark en ze wadn hier in Zuud-Esmarke nog wa n moal wier kepot met al dee steen in de grond. Dat is lang oaweral nich t zölde.

Later hef mien vaa n sloopsteen luk mechaniseerd. Hi-j hef n fietsnrad op n dreier van n sloopsteen monteerd en toen met n reemke um n motor van de waskesmesien. Toen leup t vanzulf en ik hoovn nich meer te helpn. Mer ik heb der nog wa vaak nor stoan kiekkn.

G.J.V.-R.



Deze foto laat een mobiele sloopsteen zien: een met een fiets te vervoeren en door diezelfde fiets op de staander aan te drijven sloopsteen; een paar jaar geleden in Portugal door een paar vakantiegeangers gefotografeerd.

(met dank aan AnneLies Oosterbaan, Tilburg).